

## **PROGRAM CORPORATE SOCIAL RESPONSIBILITY (CSR) OLEH KELAB AKRAB MALAYSIA (JKR)**

*Ahad, 27 March 2016*

Kelab AKRAB Malaysia (JKR) dengan kerjasama UTM RAZAK School of Engineering and Advanced Technology (UTM RSEAT) telah bersama-sama menganjurkan satu program *Corporate Social Responsibility* (CSR) di bawah flagship Service Learning yang dinamakan sebagai "DEKAT 2016" pada 27 Mac 2016 yang lalu bertempat di Jalan Hang Lekiu, Kuala Lumpur. Tujuan utama penganjuran program "DEKAT 2016" ini adalah untuk mendekati dan menyelami masalah gelandangan seterusnya membantu golongan gelandangan meringankan beban hidup menerusi sumbangan berbentuk barang penjagaan diri, pakaian dan makanan yang diperolehi dari warga JKR Malaysia Kuala Lumpur serta sumbangan daripada masyarakat sekitar. Selain daripada sumbangan dalam bentuk peralatan dan pakaian solat, sumbangan utama adalah dalam bentuk wang ringgit dari warga JKR Malaysia Kuala Lumpur serta kolaborator "DEKAT 2016" yang terdiri daripada Jabatan Perpaduan Negara dan Integrasi Nasional (JPNIN), UTM RAZAK School of Engineering and Advanced Technology (UTM RSEAT), Persatuan Suri dan Anggota Wanita Perkhidmatan Awam Malaysia (PUSPANITA) Cawangan Kementerian Belia dan Sukan (KBS), Organisasi Bukan Kerajaan (NGO) dari Love Heals dan juga syarikat swasta ETM Prima Sdn. Bhd. Hasil sumbangan wang ringgit telah digunakan untuk membeli bahan mentah untuk masakan, barang keperluan serta penjagaan diri kepada golongan gelandangan. Seramai 6 wakil JKR Malaysia selain 22 orang wakil dari kolaborator telah ke lokasi "DEKAT 2016" di Jalan Hang Lekiu dengan berbaju seragam merah. Jalan Hang Lekiu, Kuala Lumpur menjadi pilihan utama "DEKAT 2016" kerana lokasi ini merupakan tumpuan gelandangan untuk bermalam dan merehatkan diri.

Tema "DEKAT 2016" dipilih bagi menggambarkan pendekatan gabungan sukarelawan bersama masyarakat terhampir yang memerlukan bantuan dalam meringankan beban mereka. Antara pengisian program ini adalah pengagihan bungkus makanan serta barang yang mengandungi keperluan penjagaan diri seperti ubat gigi, berus gigi, sabun mandi, syampu, tuala, pengetip kuku, putik kapas, sikat, lampin bayi, tuala wanita serta pakaian. Selain itu juga terdapat barang lain yang turut disumbangkan, antaranya buku santapan rohani, peralatan solat, air mineral, air kotak, biskut, roti dan nasi goreng yang dimasak secara gotong royong oleh kesemua sukarelawan yang terlibat.

Sukarelawan mula bergerak ke lokasi "DEKAT 2016" mulai jam 6.00 petang dan selesai pada jam 11.00 malam. Para sukarelawan juga turut menyelami kehidupan gelandangan ketika berbual dan beramah mesra dengan gelandangan terbabit. Sesi perkongsian pengalaman oleh sukarelawan

mengakhiri aktiviti pada malam tersebut di samping penyampaian cenderahati kepada wakil PUSPANITA KBS, JKR, JPNIN, Love Heals dan ETM Prima Sdn. Bhd. atas penglibatan mereka dalam "DEKAT 2016". Semoga dengan penganjuran program ini dapat memberi keinsafan dan keprihatinan masyarakat tentang gelandangan khususnya menonjolkan penglibatan JKR Malaysia dalam program-program kemasyarakatan.

# DEKAT 2016

27 MAC 2016 / 8 JAMADILAKHIR 1437 H

## Sentuhan Kasih Gelandangan

ANJURAN BERSAMA



JALAN HANG LEKIU, KUALA LUMPUR



Agihan makanan yang dimasak beramai-ramai oleh sukarelawan kepada gelandangan



Sukarelawan "DEKAT 2016" menyantuni gelandangan



Sukarelawan JKR Malaysia

